

ՄԻՋԵԿԵՂԵՑԱԿԱՆ



**«ՈՒՂՂԱՓԱՌ ԿԱՆԱՆՑ ՄԱՍՆԱԿՑՈՒԹՅՈՒՆԸ
ԷԿՈՒՄԵՆԻԿ ՇԱՐԺՄԱՆԸ» ԽՈՐԱԳՐՈՎ ԺՈՂՈՎ
ՀՈՒՆԱՍՏԱՆՈՒՄ**

Հունիսի 8-12-ը Վոլոսում (Հունաստան) Հույն Ուղղափառ Եկեղեցու հրավերով Եկեղեցիների Համաշխարհային Խորհուրդը կազմակերպել էր ժողով՝ նվիրված Էկումենիկ շարժման մեջ ուղղափառ կանանց մասնակցությանը:

Ժողովի խորագիրն էր. «Եվ այնտեղ շատ կանայք կային...(Մատթ. ԻԷ 55). Ուղղափառ կանանց մասնակցությունը Էկումենիկ շարժմանը՝ անցյալը, ներկան և ապագան»:

Ն.Ս.Օ.Տ.Տ. Գաբրեղին Բ Ամենայն Հայոց Կաթողիկոսի օրհնությամբ ժողովին մասնակցեց ԵՀԽ-ի Կենտրոնական կոմիտեի անդամ երեցկին Փոլա Դևեջյանը:

Հավաքի նպատակն էր առավել գործուն դարձնել ուղղափառ կանանց ներգրավվածությունը Էկումենիկ շարժման մեջ և էլ ավելի մեծացնել և զորացնել կանանց դերը Էկումենիկ շարժման մեջ:

Ժողովի ընթացքում երեցկիներ հանդիպումներ ունեցավ ժողովին մասնակից տարբեր Եկեղեցիների ներկայացուցիչների հետ, նրանց հետ կիսեց իր փորձառությունը Եկեղեցում կնոջ բերած ծառայության ավանդական տեղի և դերի մասին՝ դրանք ներկայացնելով ժամանակակից մարտահրավերների լույսի ներքո:

*ՄԱՅԸ ԱԹՈՌ Ս. ԷԶՄԻԱՇՆԻ
ՄԻՋԵԿԵՂԵՑԱԿԱՆ ՀԱՐԱԲԵՐՈՒԹՅՈՒՆՆԵՐԻ ԲԱԺԻՆ*